

stofnunar, og að annaðhvort yrði engin prestsþjónusta við hælð, eða þá að hún yrði af hendi leyst jafnt af öllum kyrkjudeildunum.

Síðastliðið sumar að loknu þingi Íslenzka Lútharska kyrkjufélagsins er svo sent eftirfylgjandi bréf, frá skrifara þess, til forseta vors, sem svar upp á samvinnu framboð vort árinu áður.

The Icelandic Ev. Lutheran Synod of North America

The Rev. B. B. Jonsson, President
The Rev. F. Hallgrímsson, Secretary
John J. Vopni, Treasurer

Office of the Secretary

Bablar, Man., 28. Júní 1912.

Hr. SKAPTI B. BRYNJÓLFSSON,
 forseti kyrkjufélags Únítara,
 Winnipeg.

Háttvirtu herra!

Á síðasta ársþingi hins Ev. Lúth. kyrkjufélags Íslendinga í Væsturheimi, tilkynnti nefnd sú, sem kosin var á kyrkjupingi í fyrra til þess að eiga samtál um stofnun íslenzks gamalmennahælis við nefnd frá kyrkjufélagi yðar, að á sameiginlegum fundi þeirra nefnda hefði ekki getað orðið samkomulag um það mál.

Enn fremur bárust þinginu skilaboð frá kvenfélagi Fyrsta Lúth. safnaðar í Winnipeg, þess efnis, að kvenfélagið hefði þegar gert ráðstafanir til þess að setja á stofn íslenzkt gamalmenna hæl á komandi hausti.

Með því áleit þingið gamalmenna hælis málið vera komið í viðunanlegt horf að því er oss snertir, að svo stöddu, og leyfi ég mér, samkvæmt því setu mér var á hendur falið, að tilkynna yður þetta fyrir hönd kyrkjufélags vors.

Með virðingu

yðar

F. HALLGRÍMSSON,
 skrifari.

Við bréf þetta er ekkert annað að athuga en það, að með því er samvinnu tilboði voru neitað af hálfu Ísl. Lúth. kyrkjufélagsins. Skóðaði nefnd vor þá að málinu væri þar með lokið.

En svo nú á síðastliðnu hausti er aftur vakið máls á því að leita samvinnu um þetta mál. Eru það nú nokkrir menn úr hópi þeirra er kvenfélag Fyrsta Lúth. safnaðar valdi með sér í nefndina, og gekkst hr. Árni Eggertsson aðallega fyrir því. Var hann óánægður með það horf er málið hafði tekið, og óskaði eftir að allir Íslendingar helzt gæti sameinað sig um það,

Eftir nokkurt lauslegt samtál við ýmsa nefndarmenn vora um þetta, kaus nú þessi nýja 15 manna kvenfélags nefnd 2 menn úr sínum hópi, til þess að tala við aðra 2 menn frá vorri nefnd, um þetta. Nefndarmenn vorir voru þeir hr. S. B. Brynjólfsson og J. B. Skaptason, en málerekar kvenfélagsnefndarinnar voru þeir hr. Guðm. Thordarson og hr. Árni Eggertsson. Komu þeir saman heima hjá S. B. Brynjólfsson. Létu erindsrekar kvenféla snefndarinnar það í ljós, að þeir óskæðu eftir að vér gerðum nú eitthvert tilboð er leitt gæti til samkomulags. Þó létu þeir þess jafnframt getið að ervitt myndi